



Financial Sector
Conduct Authority

PHOLISI YA PUO

Leina la Tokomane:	Pholisi ya Puo
No ya Tokomane:	C&L/POL/03/2026-2028
Tiriso:	Bothati jwa Boitshwaro jwa Lephata la Matlotlo
Go Atlanegisa	Komiti ya Tsamaiso ya Togamaano
Go Amogelwa	Komitikhuduthamaga:
Go tloga Ka:	1 Moranang 2026
E Rulagantswe ke:	Lefapha la Tlhaeletsano
E sekasekilwe	27 Mopitlwe 2026

Tsebe ya Kamogelo ya Tokomane
Mong wa Tokomane:

LEINA	MAEMO	TSHAENO	LETLHA
Tembisa Marele	Tlhogo ya Lefapha: Tlhaeletsano		

Tokomane e Atlanegisitswe Ke:

KOMITI	Monnasetulo	TSHAENO	LETLHA
Komiti ya Tsamaiso ya Togamaano	Monnasetulo		

Kamogelo ya Tokomane

KOMITI	Monnasetulo	TSHAENO	LETLHA
Komitikhuduthamaga:	Mokomišenara		

Taolo ya Mofuta le Tshobokanyo ya Dipheto

No.	TLHALOSO YA DIPHETO
1.	Seno ke pholisi ya ntlha e e tlhomiwang go dira gore dipholisi tsa FSCA di nne mo maemong a a tshwanang.
2.	Go tsenngwa ga ditlhaloso dingwe, didirisiwa tsa peomolao.

Paka ya Pateletso ya Tshekatsheko

E tla sekasekwa dingwaga dingwe le dingwe di le pedi

LENANELO LA DITENG

1. DITLHALOSO	5
2. MATSENO.....	6
3. MAIKEMISETISO	6
4. DIDIRISIWA TSA PEOMOLAO	6
5. BOLEKANYETSO LE TIRISO.....	6
6. BOKAO JWA TAOLO Ya PHOLISI E	7
7. METHEO	7
8. MOFUTA WA TIRO YA FSQA	8
9. DIPUO TSA SEMMUSO TSA FSQA	8
10. TLHOMO LE THULAGANYO YA KABO YA FSQA YA TIRELO YA PUO.....	11
11. KATISO LE BOKGONI.....	12
12. PHASALATSO LE PHITLHELELO YA PHOLISI E.....	12
13. DIDIRISIWA TSA DINGONGOREGO	12
14. TSAMAIISO YA BOIKUELO.....	13
15. TSHEKATSHEKO YA PHOLISI.....	13
16. KAMOGELO	13

1. DITLHALOSO

Mo pholising e, kwa ntle ga gore bokao bo supe ka tsela nngwe:

- 1.1 **"Molao"** o kaya Molao wa Tiriso ya Dipuo tsa Semmuso wa 2012(Molao wa No.ya 12 wa 2012);
- 1.2 **"Boreile"** e kaya mofuta wa puo e e kwalwang ya batho ba fufetseng, e mo go yone ditlhaka di emelwang ke dipopego tsa marontho a a tlhatlositsweng a a utlwiwang ka dintlha tsa menwana;
- 1.3 **"Mokomišenara"** o kaya Mokomišenara wa FSCA;
- 1.4 **"Molaotheo"** o kaya Molaotheo wa Rephaboliki ya Aforikaborwa wa 1996;
- 1.5 **"EXCO"** e kaya Komitikhuduthamaga ya FSCA;
- 1.6 **"FSCA"** e kaya Bothati jwa Boitshwaro jwa Lephata la Matlotlo, setheo sa semolao se se tlhomilweng go ya ka karolo 56 ya Molao wa Taolo ya Lephata la Matlotlo wa 2017 (Molao wa No. Ya 9 wa 2017);
- 1.7 **"Thanolo"** e kaya, go amana le go bua, phetiso ya se se builweng mo puong e nngwe go ya go e nngwe le, go amana le puo ya diatla, go kaya phetisetso ya puo ya diatla go ya go e e buiwang le go tswa mo puong e e buiwang go ya go ya diatla, ka **"thanolo"** e nang le bokao jo bo tsamaelanang;
- 1.8 **"Puo ya Rekhoto"** e kaya puo e e tlhophilweng go boloka direkhoto kgotsa go akhaefa direkhoto tsa FSCA;
- 1.9 **'Tona'** e kaya Tona ya Botsweretshi le Setso
- 1.10 **"Dipuontsi"** di kaya tiriso ya dipuo di le tharo kgotsa go feta ke motho kgotsa setlhopha sa batho;
- 1.11 **PanSALB"** e kaya Lekgotla la Dipuo tsotlhe tsa Aforikaborwa
- 1.12 **"Pholisi"** e kaya pholisi e ya Puo;
- 1.13 **"Rephaboliki"** e kaya Rephaboliki ya Aforikaborwa;
- 1.14 **"SASL"** e kaya Puo ya Diatla ya Aforikaborwa;
- 1.15 **"Motseneledimogolwane wa Puo"** e kaya modiri wa FSCA yo o eteletseeng lekala la puo la lefapha la Ditlhaeletano le Ditirelo tsa Puo pele;
- 1.16 **"Phetolelo"** e kaya phetiso ya dikwalwa go tswa mo puong e nngwe go ya go e nngwe, **"fetolela"** e e nang le bokao jo bo tsamaelanang

2. MATSENO

- 2.1. Molaotheo o amogela dipuo di le somepedi(12) tsa semmuso, tse e leng, Seesimane, Tshivenda, Xitsonga, Sepedi, Setswana, Sesotho, IsiZulu, isiXhosa, isiNdebele, Siswati le Puo ya Diatla ya Aforikaborwa (SASL); o amogela tiriso e e fokotsegileng le maemo a dipuo tsa fa gae gape o tlhoka gore Puso e tseye dikgato tse di mosola le tse di siameng go tthatlosa maemo le go tsweletsa tiriso ya dipuo tsa fa gae. Molaotheo gape go tlhoka gore dipuo tsotlhe tsa semmuso di newe tlotlomatso e e lekalekanang le go tshwarwa ka go lekalekana.
- 2.2. Mo ntlheng e, Molao o phasaladitswe go rotloetsa go dirisa dipuo tsa semmuso go tlhaeletsana le maloko a setšhaba, go tlamela taolo le tebelelo ya tiriso ya dipuo tsa semmuso ke puso ya bosetšhaba ka mabaka a puso, go tlhoka go amogela pholisi ya puo ke lefapha la bosetšhaba, setheo sa bosetšhaba sa puso le kgwebo ya bosetšhaba ya puso le tlhomo ya yuniti/lekala la puo la lefapha la bosetšhaba, setheo sa bosetšhaba sa puso le kgwebo ya bosetšhaba ya puso.
- 2.3. Molao o dira mo ditheong tsotlhe tsa bosetšhaba tsa puso FSCA ke setheo sa bosetšhaba sa puso, se se kwadilweng jalo mo Molaong wa Taolo ya Matlotlo a Puso wa 1999 (Molao wa No. ya 1 wa 1999) (PFMA). Pholisi e ka jalo e tlhagisitswe ke FSCA go obamela ditlamelo tsa Molao.

3. MAIKEMISETSO

Maikaelelo a pholisi e ke go tlhalosa ka moo FSCA e tla obamelang Molao ka teng le tiriso ya dipuo tsa semmuso go tokafatsa tirelo go maloko a setšhaba ka kakaretso le ditheo tse di laolwang, le go tokafatsa maemo a kobamelo.

4. DIDIRISIWA TSA PEOMOLAO

- 4.1. Molaotheo wa Rephaboliki ya Aforikaborwa wa 1996 (Molaotheo);
- 4.2. Molao wa Taolo ya Lephata la Matlotlo wa No ya 9 wa 2017 (Molao wa FSR) Molao wa Tiriso ya Dipuo tsa Semmuso wa 2012 (Molao wa No.ya 12 wa 2012 (Molao);
- 4.3. Melawana ya Tiriso ya Dipuo tsa Semmuso ya 2013 (Melawana)
- 4.4. Molao wa Lekgotla la Aforikaborwa la Batlhankedi ba Puso (wa 8 wa 2014)
- 4.5. Molao wa Thotloetso ya Phitlhelelo ya Tshedimosetso (wa 2 wa 2000).
- 4.6. Molao wa Taolo ya Matlotlo a Puso (Molao wa No.ya 1 wa 1999) (PFMA)

5. BOLEKANYETSO LE TIRISO

Pholisi e dira go badiri botlhe ba FSCA, go akaretse bakanteraka, le mongwe le mongwe yo o dirang tiro mo boemong jwa FSCA.

6. BOKAO JWA TAOLO Ya PHOLISI E

Pholisi e e beilwe ke karolo ya 4 ya Molao, ka tsela e e latelang:

- 6.1. karolo ya 4(1) e kaya fa lefapha lengwe le lengwe la bosetšhaba, setheo sa bosetšhaba sa puso le kgwebo ya bosetšhaba ya puso e tshwanetse go nna le pholisi ya puo ka ga tiriso ya yona ya dipuo tsa semmuso;
- 6.2. karolo ya 4(2) e kaya fa pholisi ya puo e e amogetsweng go ya ka karolwana ya (1) e tshwanetse:
 - 6.2.1. Supa bobotlana dipuo di le tharo tsa semmuso tse lefapha la bosetšhaba, setheo sa bosetšhaba sa puso kgotsa kgwebo ya bosetšhaba ya puso se tla e dirisang mo mabakeng a puso;
 - 6.2.2. go supa ka moo dipuo tsa semmuso di tla dirisediwa go tlhaeletsana sentle le setšhaba, dikitsiso tsa semmuso, diphasalatso tsa puso, tlhaeletsano ya magareng ga puso le ka fa gare ga puso;
 - 6.2.3. go tlhalosa ka moo lefapha la bosetšhaba la puso, setheo sa bosetšhaba sa puso kgotsa kgwebo ya bosetšhaba ya puso e tla tlhaeletsanang sentle le maloko a setšhaba ba puo ya bona ya tlhopho e seng nngwe ya dipuo tsa yona tse e di tlhophileng tsa semmuso,
 - 6.2.4. tlhalosa ka moo maloko a setšhaba a ka fitlhelelang pholisi ya puo ka teng;
 - 6.2.5. go tlamela sedirisiwa sa dingongorego go kgontsha maloko go tlhoma dingongorego malebana le tiriso ya dipuo tsa semmuso ke lefapha la bosetšhaba, setheo sa bosetšhaba sa puso kgotsa kgwebo ya bosetšhaba ya puso; le
 - 6.2.6. go phasaladiwa mo Kaseteng ka bonako jo bo kgonegang, fela mo malatsi a kamogelo ya yona.

7. METHEO

Metheo e e tshegetsang pholisi ke e e latelang:

- 7.1. Tsaya dikgato go tlhatlosa maemo le go tsweletsa tiriso ya dipuo tsa fa gae.
- 7.2. Boineelo jwa go rotloetsa dipuo tsotlhe mo Rephaboliking gore go netefadiwe tekatekano ya tlotlo le tshwaro e e lekalekanang ya dipuo tsa semmuso tse di tlhokwang ke puso ya rona ya temokerasi.

- 7.3. Kamogelo ya dipuontsi jaaka motswedi wa go oketsa ditshwaragano tsa tirisano malebana le kago ya setšhaba, tlabololo ya ikonomi le momagano ya setšhaba.
- 7.4. Thotloetso ya tsamaiso e e siameng ya puo ke FSCA go netefatsa tsamaiso e e nonofileng ya tirelopuso e e fitlhelelang ditlhoko tsa setšhaba le go netefatsa phitlhelelo e e lekalekanang ya ditirelo le tshedimosetso ya FSCA.
- 7.5. Thibelo ya tiriso ya puo nngwe fela kgotsa dipuo dingwe ka maikaelelo a tshotlo, taolo le kgethololo mo FSCA.
- 7.6. Boineelo jwa go netefatsa gore didirisiwa tsa FSCA tsa dijithale le diphasalatso tsa inthanete di fitlhelelwa le go dirisiwa ke badirisi ba mefutafuta, go akaretsa batho ba ba nang le bogole, go ya ka ditiro tse di siameng tse di fetogang tsa go fithelesega ga dijithale.
- 7.7. Boineelo jwa go dirisa metheo e e bonolo ya puo mo ditlhaeletsanong tsothe tse di lebaneng le setšhaba, bogolosegolo tseo tse di lebisitsweng go badirisi ba matlotlo. Puo ya setegeniki kgotsa ya semolao e tla tilwa fa go kgonegang le fa go sa kgonegang, e tla tsamaya le ditlhaloso tse di tlhamaletseng kgotsa ditshobokanyo.

8. MOFUTA WA TIRO YA FSCA

FSCA ke setheo se se ikemetseng se se tlhomilweng go laola le go lebelela boitshwaro jwa mmaraaka jwa ditheo tsa matlotlo mo Aforikaborwa. Jaaka go tlhalositswe mo karolong ya 57 a Molao wa Taolo ya Lephata la Matlotlo, maikaelelo a FSCA ke go:

- 8.1. tokafatsa le go tshegetsa nonofo le seriti sa mebaraka ya matlotlo; le
- 8.2. sireletsa badirisi ba matlotlo ka -
 - 8.2.1. go rotloetsa go tshwara badirisi ba matlotlo sentle ke ditheo tsa matlotlo;
 - 8.2.2. go tlamela badirisi ba matlotlo le ba e ka nnang badirisi ba matlotlo ka mananeo a thuto ya matlotlo, le go rotloetsa kitso ya matlotlo le bokgoni jwa badirisi jwa matlotlo le ba e ka nnang badirisi ba matlotlo go dira ditshwetso tse di siameng tsa matlotlo, le
 - 8.2.3. go thusa go tshola tlhomamo ya matlotlo.

9. DIPUO TSA SEMMUSO TSA FSCA

9.1. Kamogelo ya dipuo tsa semmuso ke FSCA

- 9.1.1. Molao o batla gore FSCA e amogele pholisi ya puo e e supang bobotlana dipuo di le tharo (3) tsa semmuso tse FSCA e tla di

dirisetsang "mabaka a puso". Se se kaya dipuo tse di dirisiwang thata fa go tlhaeletsanwa le maloko a setšhaba.

9.1.2. Mo go supeng dipuo tsa semmuso, FSCA e laelwa gareng ga tse dingwe go akanya go thatlosa dipuo tsa fa gae tse di neng di kgapetswe kwa thoko mo nakong e e fetileng.

9.1.3. Go tthomamisa gore ke dipuo dife tsa semmuso tse di tla dirisiwang, FSCA e tla kaelwa ke tiragalo nngwe le nngwe ka mabaka a a latelang:

9.1.3.1. Go kgonega

9.1.3.2. Ditshenyegelo tse di amanang le gone

9.1.3.3. Lefelo

9.1.3.4. Dikgatlhego tsa setšhaba le/kgotsa setlhopha se se totobetseng se se totilweng

9.1.3.5. Bokgoni jwa FSCA.

9.1.4. Le fa FSCA e amogela dipuo tsotlhe tsa semmuso tsa Rephaboliki, go amogetswe dipuo tse di latelang:

9.1.4.1. **Seesimane** (puo ya tlhaeletsano)

9.1.4.2. Go tswa mo setlhopheng sa dipuo tsa Senguni (isiZulu, isiNdebele, Siswati le isiXhosa), go amogetswe **isiZulu**.

9.1.4.3. Go tswa mo setlhopheng sa dipuo tsa Sotho (Setswana, Sepedi, le Sesotho), go amogetswe **Setswana**.

9.1.4.4. **Tshivenda**; nngwe ya dipuo tse di neng di kgapetswe kwa thoto mo nakong e e fetileng e e seng mo setlhopheng sepe sa puo, e amogetswe.

9.1.4.5. **Seaforikanse**, nngwe ya dipuo tse di seng mo setlhopheng sepe sa puo, le sona se amogetswe.

9.1.5. FSCA e tla netefatsa gore e dirisa dipuo tse di supilweng mo 9.1.4 mo mabakeng a puso jaaka go tthalositswe mo 9.2.4

9.2. Tiriso ya dipuo tsa semmuso ke FSCA

9.2.1. Tlhaloso ya gore ke dipuo dife tse di tla dirisiwang go dira tiro le go tlhaeletsana le maloko a setšhaba, le mokgwa o dipuo tseo di tla dirisiwang ka one, e thagaisitswe fano fa tlase.

9.2.2. Mabaka a tiro

FSCA e amogetse Seesimane jaaka puo ya konokono ya tlhaeletsano le puo ya rekhoto ka mabaka a tiro-

- 9.2.2.1. go tlhaeletsana le badirelwa ba yona ba ba farologaneng (badirisi le ditheo tse di laolwang) go ya ka ditaolelo tsa yona;
- 9.2.2.2. mabapi le tlhaeletsano ya ka fa gare mo FSCA; le
- 9.2.2.3. malebana le ditlhaeletsano tsa yona le puso le/kgotsa Palamente ka Tona e e rweleng maikarabelo.
- 9.2.3. Mo mabakeng a mo go ona ditokomane tse di tshwanetseng go tlhagisiwa ka Seesimane fela di kopiwang ka puo nngwe le nngwe ya semmuso kwa ntle ga Seesimane, FSCA e tla dira gore go nne le diphetolelo tse di sobokantsweng, go ya ka 9.1.3.

9.2.4. Mabaka a puso

FSCA e tla dirisa Seesimane le dipuo tsa semmuso tse di kailweng mo 9.1.4 go ya kgetsi ka kgetsi ka maikaelelo a a latelang:

- 9.2.4.1. Tlhaeletsano le maloko a setšhaba, ka go bua le ka go kwala, ke gore, gareng ga tse dingwe, dikitsiso tsa setšhaba le dikitsiso, matshwao a tshedimosetso ya setšhaba, matshwao a a supang dikago le ditirelo (dikarolo tse di sobokantsweng mo ntlheng ya ditokomane tsa setegeniki).
- 9.2.4.2. Tlhaeletsano le bobegakgang (sekao, kgatiso, seyalemowa, thelebišene, podcast, webosaete) - go ikaegile ka maikaelelo le polatefomo;
- 9.2.4.3. Diphasalatso tsa semmuso le dikwalelano
- 9.2.4.4. Ditiro tsa therisano le baamegi ba bangwe.
- 9.2.4.5. Ditheetso tsa setšhaba kgotsa ditherisano le ditsamaiso tse dingwe tsa semmuso.

Thuto ya Badirisi

- 9.2.5. Le mororo temana 9.1.3 fa godimo, FSCA e tla tsaya dikgato tse di maleba le tse di amogelesegileng go netefatsa gore e tshwara dithulaganyo tsa yona tsa thuto ya badirisi le kitso ya matlotlo ka dipuo tse dintsi ka moo go kgonegang ka teng e tsaya tsia ka puo e e e tlhophilweng ke setšhaba se se tsenelang dithulaganyo tseo. Go tlaleletsa, FSCA e tla fetolela metswedi e e botlhokwa ya thuto ya matlotlo mo dipuong tsotlhe tsa semmuso le go e phasalatsa mo webosaeteng ya yona e e kgethegileng <http://www.fscamymoney.co.za> go ya ka taolelo ya FSCA ya thuto ya badirisi.

Setheo sa Mogala

- 9.2.6. Setheo sa Mogala sa FSCA se tla leka go kgontsha tlhaeletsano le maloko a setšhaba ka dipuo tsotlhe tsa semmuso tsa Rephaboliki jaaka go tlhalositswe mo polelwana 2.1.

9.3. Tlanelo ya ditirelo ka puo e nngwe kwa ntle ga dipuo tsa semmuso tse di amogetsweng ke FSCA

- 9.3.1. Fa leloko la setšhaba le eletsa go amogela ditirelo ka puo ya semmuso e e seng dipuo tse di dirisiwang (sk. mo phasalatsong), leloko leo le tla itsise FSCA ka kopo eo, ka lekwalo, le le kwalelwang Moitseanapemogolo wa Puo. FSCA e tla dira dithulaganyo tsa go fitlhelela kopo eo mo pakeng e e amogelesegileng ya malatsi a tiro a a seng kwa tlase ga masome a mararo (30) morago ga go amogela kopo.
- 9.3.2. Mo mabakeng a tlhaeletsano ka molomo, e e jaaka dikopano le tlhoko e nngwe ya go ranola, kopo e tshwanetse go dirwa ka go kwala le bobotlana malatsi a some a mararo (30) pele ga tiragalo eo.

9.4. Tlanelo ya ditirelo tsa SASL le Boreile

FSCA e tla tsaya dikgato tse di amogelesegileng le tse di dirang go akaretsa dikakanyetso tsa phitlhelelo, tse di akaretsang thanolo ya SASL, difomate tsa modumo le difomate tse dingwe tse di fithelesegang tse di jaaka Boreile, mo thulaganyong ya yona ya tlhaeletsano, bogolosegolo mo ditherisanong tse dikgolo tsa setšhaba le diteng tsa thuto ya badirisi kgotsa diitshimololelo go ya ka 9.1.3.

10. TLHOMO LE THULAGANYO YA KABO YA FSCA YA TIRELO YA PUO

- 10.1. Jaaka go tlhokega go ya ka karolo ya 7 ya Molao, FSCA e tlhomile tiro ya ditirelo tsa puo ka 2014, e jaanong e akareditsweng mo Lefapheng la Tlhaeletsano. Seabe sa tiro e ke go tlamela tsamaiso e e siameng ya puo mo FSCA le go netefatsa go akaretsa le go sireletsa badirisi ba ditirelo tsa matlotlo ka ditirelo tsa puo.
- 10.2. Tiro ya Ditirelo tsa puo tsa FSCA e eteletswa pele ke Motseneledimogolwane wa Puo, yo o tshegediwa ke maloko a mangwe a jaaka go ka tlhokega ke FSCA nako le nako. E na le didirisiwa

tse di lekaneng go tshegetsa kabo ya yona ya tirelo ka katlego le go ya ka molao.

- 10.3. Tiro ya ditirelo tsa puo e tla lebelela tiriso ya Pholisi ya yona ka dipaka, go akaretsa mekgwa ya dikopo tsa puo, dingongorego le ditlhoko tsa go fitlhelesega le go tlamela dipegelo tsa ka fa gare go tshegetsa tokafatso e e tswelelang.

11. KATISO LE BOKGONI

Go fitlhelela tiriso e e porofesenale le e e nonofileng ya Pholisi e, Lefapha la Tlhaeletsano le tla netefatsa gore go na le katiso e e lekaneng le bokgoni go dira tiro ya lona.

12. PHASALATSO LE PHITLHELELO YA PHOLISI E

- 12.1. Pholisi e e tla phasaladiwa ka dipuo tsotlhe tsa semmuso tsa Rephaboliki.
- 12.2. E tla nna teng mo webosaeteng ya FSCA: www.fsca.co.za.
- 12.3. E tla nna teng ka Boreile kgotsa ka modumo mo webosaeteng ya FSCA.
- 12.4. Tshobokanyo ya pholisi e e tla bontshiwa kwa kantorong ya FSCA ka mokgwa o o bonalang mo setšhabeng.
- 12.5. Go tlaleletsa, mefuta e e gatisitsweng e tla nna teng ka dipuo tsotlhe tsa semmuso kwa dikagong tsa FSCA.

13. DIDIRISIWA TSA DINGONGOREGO

- 13.1. Mongwe le mongwe yo o sa kgotsofadiwang ke tshwetso ya FSCA malebana le tiriso ya yona ya dipuo tsa semmuso a ka dira ngongorego ka go kwalelela Mokomišenara.
- 13.2. Ngongorego e tshwanetse go dirwa ka tsela e e latelang:
- 13.2.1. ka go kwala.
- 13.2.2. Mo dikgweding di le tharo tsa go nna teng ga ngongorego
- 13.2.3. Tlhalosa leina, aterese le tshedimosetso ya kgolagano ya motho yo o dirang ngongorego.
- 13.2.4. Tlamela tlhaloso e e feletseng ya ngongorego.
- 13.3. Mokomišenara kgotsa leloko le legolwane la badiri le le tlhophilweng ke Mokomišenara le ka kopa mongongoregi go neelana ka tshedimosetso ya tlaleletso e e tlhokegang go amogela ngongorego le go tsenela kopano ka maikemisetso a go dira patlisiso ka go bua mo ngongoregong.
- 13.4. Mokomišenara o tla amogela ngongorego le go dira tshwetso, mo nakong e e sa feteng dikgwedi di le tharo (3) morago ga gore ngongorego e dirwe le go itsise mongongoregi ka tshwetso.

- 13.5. Tshedimosetso ya kgolagano ya FSCA:
Setheo sa mogala: 0800 20 37 22
Mogala (switchboard): 012 428 8000
Imeile: communications@fsca.co.za
Aterese ya poso: P.O. Box 35655, Menlo Park 0102
Aterese ya lefelo: Riverwalk Office Park, Block B, 41 Matroosberg Road
(Corner Garsfontein and Matroosberg Roads), Ashlea Gardens,
Extension 6, Menlo Park, Pretoria
Webosaete: www.fsca.co.za

14. TSAMAIISO YA BOIKUELO

- 14.1. Mongongoregi yo o sa kgotsofadiwang ke tshwetso ya ga Mokomišenara a ka dira boikuelo go EXCO ya FSCA.
- 14.2. Boikuelo jo bo romelwang go EXCO bo tshwanetse go romelwa go EXCO ka Mokwaledi le go dirwa mo pakeng ya kgwedi e le nngwe ya tshwetso.
- 14.3. Ditlamelo tsa polelwana 13.2 tsa Pholisi e di tla dira ka diphetogo tse di tlhokegang tse di dirilweng mo boikuelong jo bo dirilweng go ya ka polelwana 13.1 ya Pholisi e.

15. TSHEKATSHEKO YA PHOLISI

Pholisi e e tla sekasekwa dingwaga dingwe le dingwe di le pedi

16. KAMOGELO

Eno ke pholisi ya sešeng ya puo ya FSCA e e amogetsweng ke EXCO ya FSCA ka la 27 Mopitlwe 2026.